



O'ZBEKISTON OVOZI

SHU AZIZ
VATAN —
BARHAMIZNIKI!

IJTIMOIIY-SIYOSIIY GAZETA

• 2010-yil • 8-iyul • Payshanba • 79 (31.199) • (Tel. Faks) 233-12-56 • 1918-yil 21-iyundan chiqa boshlagan
e-mail: info@uzbekistonovozi.uz www.uzbekistonovozi.uz

Мустақиллик — қадр-қиммати

Муносабат

■ Президентимизнинг «Ўзбекистон Республикаси Давлат мустақиллигининг 19 йиллик байрамга тайёргарлик кўриш ва уни ўтказиш тўғрисида»ги Фармони ҳаммамизни яна бир бор мустақиллик қадр-қиммати ҳақида ўйлаб кўришга даъват этди.

Пойтахтимизнинг Мустақиллик майдонида суҳбатлашган юртдошларимизнинг дил сўзлари ҳам бунга яққол мисол бўла олади.



Муборак БЕРДИЕВА,
Қашқадарё вилояти,
Яккабоғ тумани 25-
умумий ўрта таълим
мактаби ўқитувчиси:

— Президентимиз ташаббуси билан таълим соҳасида олиб борилаётган ислохотлар самарасига қараб мустақиллик имкониятларини кўраман. Бугунги замонавий мактабларимиз қиёфасида Мустақиллик қадр-қимматини чуқур ҳис қиламан.

Мана шу майдонда туриб, ўз фарзандини бағрига босган она хайкалига қараб кўнглимдан яна бир гап ўтмоқда. Мамлакатимизда аёлга, онага берилган эътибор, кўрсатилаётган беқиёс ғамхўрликлар замирида ҳам мустақиллик имкониятлари ётибди. Ҳар биримиз бу бахтли кунларнинг қадрига етишимиз, мамлакатимиз тараққиётига муносиб ҳисса қўшмоғимиз керак.

Баҳром МАМАДОВ,
Ўзбекистон Давлат ер
тузиш илмий лойиҳалаш
институтини Сурхондарё филиали директори:

— Мустақиллик деганда эркин яшашни ва ишлашни тушунаман. Нима қилишингни онгли равишда ўзинг белгилаб, шунга мувофиқ фаолият кўрсатишни инсон омилларида бири, деб ҳисоблайман. Агар одам эрта тонг уйқудан туриб, бугун нима қилишини олдиндан билмас, қимдандир буйруқ кутиб ўтирса, бундан ёмоний йўқ.

Биз ўз йўлимизни ўзимиз танладик, ўз номимиздан ўзимиз гапирадиган бўлдик. Шунинг учун мустақилликни мен ҳуқуқ ва воқолат деб тушунаман. Президентимизнинг Фармонида билдирилган фикрлар мазмунига чуқурроқ қарасак, ана шу юртининг фарзанди сифатида зиммамизда катта масъулият турганлигини ҳис қиламиз.

Равшан АБДУНАЗАРОВ,
Республика Олимпия
захиралари коллежи
битирувчиси:

— Ота-оналаримиздан, устозларимиздан кўп эшит-

ганмиз, илгариги замонда спортчиларимизнинг чет элларга мустақил боришларига йўл қўйилмаган экан. Ҳозир ҳар ойда юзлаб спортчиларимиз хорижий мамлакатлардаги мусобақаларда қатнашиб қайтишмоқда. Узим ҳам қатор мамлакатларда бўлиб ўтган мусобақаларда қатнашиб, совриндорлар қаторидан жой олганман. Байроғимиз кўтарилиб, мадҳиямиз янраган пайтлардаги ҳаяжон ва кувончни айтиб беролмайман. Бундай пайтда одам ўзини жуда ҳам бахтли ҳис қилади. Менимча, мустақиллик — бу бахт дегани.

Президентимиз спортчи ёшларга катта ғамхўрлик кўрсатиб келмоқда. Спорт билан шуғулланишимиз, ўз иқтидоримизни кўрсатишимиз учун ҳамма шароитлар яратилган. Мен шу ҳақда кўп ўйлайман. Келажакда машҳур спортчи бўлиб, халқимизни, Президентимизни хурсанд қиламан деган ниятдаман.

Неъматжон АҲМЕДОВ,
пенсияер, Андижон
вилояти, Оптинкўл
тумани:

— Мен ёшлигимда инсон қадри, эркинлиги нималиги ҳақида ўйлаб ҳам кўрмаган эканман. Собик тузум даврида бошимизни кўтармай фақат ишлаганмиз. Ўша шароитларга қандай чидаганимиз, қандай яшаганимизни бугун тушунолмайман. Мана, ҳозир набираларим билан Мустақиллик майдонини айланиб юриб, юрагим кувонч ва ғурурга тўлмоқда.

Мен оддий одамман, мустақиллик ҳақида чиройли гапиролмайман, лекин бир нарсани биламан, биз кечаги замонда ишонган нарсамиз ўзимизники эмасди. Ўзимиз хоҳламаган йўлдан юрдик, хоҳламаган гапни гапирдик. Мустақиллик тўғрисида эътиқодимизга тўғри келмайдиган ишлардан, хизматлардан халос бўлдик. Бунинг қадрига етмоқ керак.

Тўлқин ТўРАХОНОВ
ёзиб олди.



Эътибор НОРМУРДОВ олган сурат.

Замонавий усуллар, сиёсий технологиялар

электорат билан иш олиб
боришда муҳим аҳамиятга эга

ЎЗХДП ҳаёти

■ Кеча Ўзбекистон Республикаси Президенти ҳузурдаги Давлат ва жамият қурилиши академиясида Ўзбекистон ХДП Марказий Кенгаши ташаббуси билан «Электорат билан иш олиб боришнинг замонавий усуллари, умумэтироф этилган сиёсий технологиялардан кенг фойдаланиш масалалари» мавзусида илмий-амалий конференция бўлиб ўтди.



Унда партия Марказий Кенгаши аъзолари, экспертлари, Олий Мажлис Қонунчилик палатаси, халқ депутатлари маҳаллий Кенгашларидаги депутатлари, ЎЗХДП Самарқанд, Жиззах, Сирдарё, Тошкент вилоятлари ва Тошкент шаҳар кенгашларидаги тарбиёт гуруҳлари аъзолари, «Истиқбол» ёшлар, «Фалс аёллар» қанотлари етакчилари, мутахассислар иштирок этишди.

Давлатимиз раҳбарининг Олий Мажлис Қонунчилик палатаси ва Сенатининг қўшма мажлисидаги маърузасида таъкидланганидек, партиялар ўртасидаги баҳс-мунозаралар жиддий, профессионал ва амалий

негизда олиб борилиши даркор. Айнан шунинг учун ҳам сиёсий партиялар ўз электоратини ўйлантираётган социал-иқтисодий муаммоларни янада чуқурроқ ўрганишга ва уларни ҳал этиш бўйича зарур чоралар кўришга бутун диққат-эътиборини қаратиши керак.

Бу борада электорат билан иш олиб боришнинг замонавий усуллари, айниқса, умумэтироф этилган сиёсий технологиялардан кенг фойдаланиш жуда муҳим аҳамиятга эга. Партия фаоллари ҳамда мутахассислар масаланинг ана шу жиҳатларини батафсил муҳокама этдилар. Сиёсий технологияларнинг мазмун-моҳияти, турлари, сиёсий партия фаолиятидаги ўрни, электорат билан иш олиб боришни янада такомиллаштириш каби қатор масалалар атрофида кизгин баҳс ва мунозара юритилди.

Конференция иштирокчиларининг фикр-мулоҳазалари билан газетамизнинг навбатдаги сонларидан бирида батафсил танишасиз.

Бөхрэд ШУКУРОВ,
«Ўзбекистон овози» мухбири.

ЎзЛиДеП диққатига!

Иш берувчининг масъулияти

Тўғриси, ҳозирги шароитда янги иш ўрни яратиш энг долзарб, энг хайрли ва савобли амаллардан бири, десак, ҳеч муболаға бўлмайди. Одамларни иш билан таъминлаётганлар шаънига ҳар қанча тасанно айтсак арзийди.

Бирок шу ўринда аччиқ бўлса-да, ҳақиқатнинг кўзига тик қараб, бир муаммони ошқора айтиш ва тан олишимиз лозим, деб ўйлаймиз. Сир эмас, мамлакатимизда маиший хизмат ва умумий оқатланиш тармоқлари йил сайин ривожланиб бормоқда. Ушбу масканларда ошпаз, официантка, идиш-товоқ юевачи, фаррош, қоровул бўлиб минглаб одамлар меҳнат қилади. Мулк эгалари, иш берувчилар — ЎзЛиДеП электорати, ишчилар эса табиийки, ЎЗХДП электорати ҳисобланади. Шу боис, ишловчиларнинг қонуний ҳақ-ҳуқуқи, ижтимоий ҳимояси билан боғлиқ масалаларда рўй бераётган баъзи камчилик ва муаммоларга бефарқ қарай олмаймиз. →2



Эзгулик кўқарган замин

Ўзлигини англаган халқ
бугуни, келажаги буюк халқ

■ Ҳар қандай давлат, жамият эл-юртига садоқатли, иймон-эътиқоди бутун, малакаси етук, маънавияти юксак ёшлар билан фахрланади. 2010 йилнинг мамлакатимизда «Баркамол авлод йили» деб номланиши бизнинг ёш авлод таълим-тарбияси, саломатлиги, маънавияти борасидаги мақсад ва вазифаларимиз нақадар улуғлигини яна бир бор кўрсатмоқда. Зеро, баркамол авлод тарбияси ҳар бир инсондан жиддий эътибор ва улуғсиз меҳнат талаб қилади. →2-3

Оиланинг мустаҳкамлиги, асосан она ва боланинг саломатлигига боғлиқдир. Она соғлом бўлсагина, ундан жисмоний ва ақлий жиҳатдан соғлом фарзанд дунёга келади. →2

Маҳаллий Кенгашлар олдидан турган муҳим вазифа қонунларнинг ҳоқимликлар томонидан жойларда қандай бажарилаётгани устидан қатъий депутатлик назорати ўрнатилган иборат. →3

Асфальтни Деҳқонobod ва Ғузордаги асфальт тайёрлаш цехларидан олаёلمиз. Шаввал Оқдаришники, у Шахрисабз норузда материаллар заводида тайёрлаб берилади. →3

Стадиондаги мухлислар «маданияти» мамлакатимиздаги миллионлаб телеомошабинларни ранжитди. →4

Ўзбекистонга илк бор келган бўлсам-да, мамлакатнинг тарихи ва маданиятига оид кўплаб китобларни ўқиганман. Биз Ўзбекистонни жаҳон илм-фанига беқиёс ҳисса қўшган юрт сифатида биламиз. Мамлакатингизда барча соҳалар сингари таълим, соғлиқни сақлаш, ижтимоий-маданий жабҳалар ҳам изчил ривожланимоқда. Чекка қишлоқларда ҳам ёш авлоднинг пухта билим олиши учун яратилган қулай шароит ва имкониятлар билан танишиб, бу юртда ёшларга қаратилаётган улкан ғамхўрлик ва эътиборга ҳавасим келди».

Микаилос АВГУЕЛОС (Греция)

ОБ-ҲАВО 08-09.07.2010

	БУГУН	ЭРТАГА
Тошкент	☀ 37°	☀ 39°
Самарқанд	☀ 38°	☀ 40°
Нукус	☀ 40°	☀ 42°
Қарши	☀ 41°	☀ 42°
Урганч	☀ 40°	☀ 42°
Навоий	☀ 40°	☀ 42°
Фарғона	☀ 37°	☀ 39°
Бухоро	☀ 40°	☀ 42°
Андижон	☀ 37°	☀ 39°
Наманган	☀ 37°	☀ 39°
Термиз	☀ 42°	☀ 43°
Жиззах	☀ 38°	☀ 39°
Сирдарё	☀ 38°	☀ 39°
Тошкент вил.	☀ 37°	☀ 39°
Лондон	☁ 23°	☁ 25°
Париж	☁ 22°	☁ 24°
Москва	☁ 28°	☁ 29°
Мадрид	☁ 29°	☁ 31°
Пекин	☁ 39°	☁ 38°
Гонгконг	☁ 38°	☁ 41°
Рим	☁ 27°	☁ 28°
Анкара	☁ 31°	☁ 32°
Токио	☁ 27°	☁ 29°
Стокгольм	☁ 25°	☁ 26°
Кейптаун	☁ 15°	☁ 14°
Коҳира	☁ 27°	☁ 24°
Гавана	☁ 32°	☁ 31°
Вашингтон	☁ 26°	☁ 27°

O'zbekiston havo yo'llari

TOSHKENT
XALQARO
AEROPORTI

ЎЗБЕКISTON RESPUBLIKASI MARKAZIIY BANKINING 2010 ЙИЛ 6 ИЮЛДАН БОШЛАБ ХОРИЖИЙ ВАЛЮТАЛАРНИНГ СЎМГА НИСБАТАН БЕЛГИЛАГАН ҚИЙМАТИ

1 Австралия доллари	1348,15	1 Миср фунти	280,84	1 СДР	2383,93	10 Жанубий Корея воли	13,09
1 Англия фунт стерлинги	2425,80	1 Канада доллари	1509,27	1 Туркия лираси	1022,73	10 Япония иенаси	181,76
1 БАА дирхами	435,00	1 Хитой юани	235,85	1 Швейцария франки	1501,47	1 Россия рубли	51,22
1 АҚШ доллари	1597,71	1 Малайзия рингити	496,65	1 Евро	1970,09	1 Украина гривнаси	202,02

* Валюта қийматини белгилаш чоғида Ўзбекистон Республикаси Марказий банки маъмур валюталарни ушбу қийматда сотиш ёки сотиб олиш мажбуриятини олмаган.

ЎзХДПда сиёсий ва фуқаролик маърифати

■ Сурхондарё вилоят партия кенгаши ҳузурида навбатдаги сиёсий семинар бўлиб ўтди. Партия-мизнинг сиёсий ва фуқаролик маърифати тизимидаги бу ўқувда «Электротар манфаатларини ҳимоя қилишда депутатлик назорати ва ҳуқуқни қўллаш амалиётини такомиллаштириш» мавзуси муҳокама этилди.

Депутатлик назорати

электротар манфаати ҳимоясига қаратилиши зарур

— Маҳаллий Кенгашлар олдига турган муҳим вазифа — бу қабул қилинган қонунларнинг ҳоқимликлар томонидан жойларда қандай бажарилаётганини устидан қатъий депутатлик назорати ўрнатилган иборат, — деди вилоят партия кенгаши раиси ўринбосари Икром Курбанов. — Шундай экан, ижро ҳоқимияти раҳбарлари, жумладан, ҳоқим, унинг ўринбосарлари, ҳоқимлик бўлим ва бошқармаларининг раҳбарларининг улар бевоқифа масъул бўлган соҳаларда қонунлар қандай ижро этилаётганини бўйича ҳисоботларини тинглаб бориш амалиётини кенгайтириш зарур.

Ўз навбатида депутатлик назорати — бу давлат органлари, уларнинг масъул ходимларининг қонун доирасида ўз фаолиятини олиб боришини таъминлашга қаратилган депутатнинг қонун билан белгиланган ваколатидир. Халқ депутатлари маҳаллий Кенгашларидаги гуруҳлар бу ваколатни амалга оширишда қандай тажрибага эга? Давр мана шу саволларга амалий жавоб талаб этмоқда.

Семинар машғулотларида депутат орасида Ўзбекистон ХДП сиёсий платформаси

сининг бошқа сиёсий партиялар дастурий вазифаларидан афзалликларини тушунириш ишларини фаол давом эттириш зарурлиги таъкидланди. Электротар манфаатлари ҳимоясида депутатлик назоратини кучайтириш, бунда вилоят партия кенгаши нашри «Халқ йўли» газетасининг ўрни ва вазифалари ҳақида фикр-мулоҳаза билдирилди.

Семинар машғулотларида Ўзбекистон ХДП Музробот, Сароисиё, Қумқўрғон туман кенгашлари раислари П.Норматов, А.Хуррамов, М.Намозов электротар манфаатларини ҳимоя қилишда депутатлик назоратидан фойдаланиш тажрибалари ҳақида тўхталишти.

Машғулотнинг иккинчи қисмида иштирокчилар гуруҳларга бўлиниб, интерфал шаклида мавзунинг амалий жиҳатлари ҳақида фикр юритишти.

Хамро ЭРМАТОВ

Йўл, электр, сув

корхонанинг бетўхтов ишлашини таъминлайди

Иккинчи мақола

Истиқлол иншоотлари ■ — Мен асли Бешбулоқ қишлоғида туғилганман, — дейди Деҳқонобод калийли ўғитлар заводи директорининг иқтисодий масалалар бўйича ўринбосари, ЎзХДП фаоли Йўлдош Аноров. — Қаранг, қандай ўзгаришлар бўлиб кетди. Тоғу тошларни кесиб ўтган темир йўл энди улкан бойлик — ўғитни мамлакатимиз далалари ва хорижга етказиб беради. Биз учун энг азиз неъмат — сув, энг машаққатли иш — йўл барпо этиш. Тикланаётган корхона бусиз фаолият кўрсата олмайди...

Партия-мизнинг ташаббускор аъзоси, тажрибали иқтисодчи Йўлдош Аноровнинг мулоҳазалари ерости қонидан чиқиб, мажмуадаги ишлар билан танишаётганда ҳам фикри-зикрини банд этиб турди. Нима десангиз, ҳараён давом этапти: ерости қонидан қазиб чиқарилаётган хомашё мана бу ерда бункер новларидан машиналар юкконасига оқиб тушмоқда, сал нарида «хирмонга» тўқилмоқда...

— Сиз кўрган ер ости қонидан мураккаб усуналар электр кучи билан ишлайди, — дейди Деҳқонобод калийли ўғитлар заводи қурилиш бўлими бошлиғи Эрол Эролов. — Лойиҳада 40 километрик электр узатиш тизимини яратиш, иккита юқори қувватли нимстанция қуриш режалаштирилган эди. Қашқадарь электрлаштириш корхонаси бу



ишни ўз вақтида амалга оширди. Натижада тоғ-кон мажмуи, қайта ишлаш заводи усуналари бетўхтов электр қуввати билан таъминланмоқда. Деҳқонобод калийли минераллар қони Тепакўтон қайта ишлаш корхонаси қурилаётган жойдан роппа-роса 44 километр нарида. Бу жойларга темир йўл тортиб келишининг иложи йўқ. Шунинг учун «Деҳқонобод» темир йўл станцияси яқинидаги Бешбулоқ қишлоғи четидан завод учун мос жой танланган. Барча зарур усуналар шу ерга ташиб келирилади. Бундан ташқари, тайёр минерал ўғит вагонларга юкланиб, темир йўл орқали манзилга етказилади. Бу

нинг учун завод ҳудудида 1400 метрик ички темир йўл қурилди. Тоғ-кон мажмуидан хомашё юк машинасида заводга ташиб келинади. Автоҳўжалик, таъмирловчи устахоналар бунёд этилган, янги «МАЗ» машиналари ишга жалб этилган, — дейди у.

Келишда унча эътибор қилмаган эканмиз, «Бешбулоқ — Ҳўжапоқ» автомобиль йўлининг биринчи навбати қуриб битказилган. Ўттиз километр йўл кенглиги, равоқлиги ва юк машиналари учун чидамлиги билан ҳавасни келтиради. Бу йўлни Республика йўл жамғармаси буюртмасига кўра, «Жанубий йўл» бошқармаси йўлсозлари барпо этган. Йўл

қурилиши янги манзилда давом этаётир...

Йўлсозларимиз қонгача бўлган йўлни аллақачон қуриб беришган, — дейди бошқарма йўл устаси Шўрат Зоҳиров. — Йўл қир-адирлар ва тоғ ён бағридан ўтган. Уни барпо этишда янги техника воситалари қўл келди. Айни кунларда йўлни қалин иккинчи қатлам билан қоплапмиз. Чунки бу йўлдан осир юк машиналари ўтиши ҳисобга олинмаса, бўлмайди.

Дарҳақиқат, хомашё ортган юк машиналари қайта ишлаш корхонаси ҳудудида узлуқсиз қатнаб турибди.

Асфальтни Деҳқонобод ва Гузурдаги асфальт тайёрлаш цехларидан олапмиз. Шағал Оқдарёники, у Шаҳрисабз норуда материаллар заводида тайёрлаб берилди. Шунинг учун ётқизилаётган асфальт жуда сифатли. Умуман, биз йўлсозлар кейинги йилларда хорижда тайёрланган замонавий ва қудратли техника воситаларига эга бўлдик. Натижадаги кўриб турибсиз...

Йўлсозлар билан хайрлашиб, яна пастга эна бошладик. Бешбулоққа етиб келганимизда, калийли ўғитлар заводи сув таъминоти бўлими мутахассиси Бойқобил Шарипов ўз соҳасида амалга оширилган ишлар билан таништирди.

— Деҳқонобод учун сув ниҳоятда муҳим масала, — дейди у. — Туман ҳудудидан оқувчи Катта эна кичик Ура дарёлари Гузур тумани ҳудудидаги Пачкамар сув омборидан йиғилади. Корхона бунёд этилаётганда ана шу сув омборидан қувурлар тортиш режалаштирилган эди. Бу ишлар қисқа фурсатда бажарилди. Жами

77,1 километр узунликдаги сув қувурлари тортиб келинди. Бешта насос станцияси орқали сув корхонанинг Тепакўтондаги тоғ-кон мажмуига етказиб берилди. Чунки хомашёни қайта ишлаш жараёнида сув таъминоти ниҳоятда муҳим. Яна шуни айтиш керакки, заводда фойдаланилган сувни тозалаш ва қайта ишлаб чиқариш цехларига узатиш тизими яратилган. Бу сувни тежаш ва харажатларни анча қисқартириш имконини беради.

Дарҳақиқат, корхонада ишлаб чиқариш жараёни узлуқсиз сув таъминотига чамбарчас боғлиқ. Айнан Пачкамар сув омборидан келтирилган сув ёрдамида заводда хомашёни тозалаш ва калийли ўғит ажратиш синовдан ўтди.

Ҳаммаси кўнгилдагидек. Янги нишоот, уни барпо этаётган ажойиб кишилар ҳаёти билан танишиш асносида маълум бўлдики, улар сувни, айниқса, тоза ичимлик сувини гоётда қадрлашади. Зеро, сувсиз ҳеч бир иш битмайди. Уни тириклик манбаи деб бежиз айтишмаган. Яна бир жиҳат: қончилар ҳам, йўлсозлар ҳам она табиатга жуда эҳтиётлик билан муносабатда бўлишади. Хар бир ёнғини кўз қорачигидек асрашади. Бунни кўриб, рости, хурсанд бўлдик...

Юнус УЗОҚОВ, «Ўзбекистон овози» муҳбири.

КўКАРГАН ЗАМИН

халқ бугун, келажаги буюк халқ

ва иқтидорига мос таълим усунларимизни яратиш ҳақида янада жиддийроқ ўйлаб кўриш керак. Чунки миллий урф-одатлар, эзгулик кўкарган заминда мудҳиш иллатлар индиз отмайди, деб бежизга айтишмайди.

КОМИЛЛИККА ИНТИЛИШ ТҲҲҲҲ АЖДОДЛАРДАН МЕРОС

Шарқнинг машҳур файласуфи Абу Наср Форобий «Фозил одамлар шахри асариде фозиллар шахрининг бошлиғи оқил киши бўлиб, табиатан 12 фазилатни ўзида бirlаштирган бўлиши зарур, дейди ҳамда ушбу хислатларнинг ҳар бирини муфассал изоҳлаб беради. «Бундай шахар ҳоқими табиатан ўз қадрини билувчи ва номусориятчи одам бўлиши, пастқашликлардан юқори турувчи, олийҳиммат бўлиб, улуг, олий ишларга интилиши зарурлигини қомил инсоннинг фазилатларидан бири сифатида эътироф этади. Демак, барқамоллик интилиш тўғриси бизга аждодларимиздан мерос. Бу интилиш уларнинг меросида ўз аксини топган...

— Дарҳақиқат, Форобий бундай фазилатлар соҳибини «нодир инсон» деб ҳисоблайди, — дейди филология фанлари номзоди, доцент Омонулла Мадаев. — Аммо файласуфнинг фикрича, 12 хислатнинг бир одамда жамлангани кийин, бундай турда фазилатлар соҳибини жуда кам учрайди. Зақий ота-боболаримиз азиздан шу масалага, хусусан, фарзандларининг ҳаёли, диниёти, ори-

ятли бўлиб вояга етишига катта эътибор беришган. Халқ оғзаки ижодининг ноёб дурдонаси бўлиши «Алпомиш» достонини олайлик. «Алпомиш» миллатнинг ўзлигини намён этадиган қаҳрамонлик дostonи бўлиб, ёшларга ватанпарварлик фазилатларидан сабоқ беради. Одил ва илмли бўлишга, юрт, оила кўрғонини кўриқлашга, дўсту ёримизни, шънимизни, ота-боболаримизнинг муқаддас мазорларини хар қандай тажовуздан ҳимоя қилишга ўргатади. Бир мисол: Кунлардан бир кун Алпомиш китоб ўқиб ўтириб, бахиллик ва саҳийликдан гап чиқиб қолди. Бойбўрибий шунда ўғли Алпомишдан: — Киши нимадан бахил бўлади, нимадан саҳий бўлади? — деб сўради. Ўғли туриб айтди: — Вақти-бевақт бировниқига меҳмон келса, отини ушлаб, жойи бор бўлса, кўнглини хушлаб жўнатса — саҳий, жойи бўла туриб, жой йўқ, деб кўндирмай жўнатса — бахил, вақт-бевақт киши мазоротининг ёнидан ўтса, мазордаги ўтганларнинг ҳақиқига дуо қилса, бу ҳам саҳий, агар мазордан ўтганда, чап оёгини узангидан чиқармай, ўтганлар ҳақиқига дуо қилмаса, бу ҳам бахил. Кишининг моли зақотга етса, зақот берса, бу ҳам саҳий экан. Агар зақот бермаса, бу ҳам бахил экан».

Бир сўз билан айтганда халқ оғзаки ижоди минг йиллардан бунён барқамол авлод тарбиясининг асосини ташкил этиб келмоқда. Айниқса, Ватанга муҳаббат, дўсту ёрга садоқат, поклик ва ҳалоллик, болага ҳунар ўргатиш ва таълим беришни бир-бири билан узвий олиб бориш масаласи асрлар давомида шаклланиб, ривожланиб келлаётган оғзаки ижодимизда асосий ўринда туради. Масалан, эртақларда ҳунар ўрганишга ишқибозлик қайфияти сезилиб туради. Топшиқок боланинг фикрий эҳзини оширишга, нарсасиз-буомларнинг хусуси-

ятини эсда сақлашга ёрдам беради. Мақол фикрлашга, мушоҳада қилишга ундайди. Қўшиқ эса эстетик дидни, ички ҳис-ҳаяжонни тарбиялайди. Яна бир мисол: эртақларда аждаҳо ёки ялмоғиз гарчи одамларга ёмонлик қилса-да, қаҳрамон «Ассалому алайкум» деб салом бераганда, салбий қаҳрамон жавоб тарикасида «Гар саломинг бўлмаса, икки яллаб бир ютардим», дейди. Бу салом бериш ҳам қомиллик белгиси эканидан дарак беради. Ёки бир мақолда «Бугунги ишни эртага қўйма — бугунги жаҳлни эртага қўй» дейилади ва шундай бир воқеа хикоя қилинадики, ўзбекона менталитетимизга хос эҳти ва фаросатдан лол қолмасликнинг, ибрат олмасликнинг иложи йўқ. Шунингдек, «ичкилик ичма — бахтсиз бўласан» дейилади. Қаранг, Алпомиш шароб ичиб душман Тойчичоннинг қўлига тушади ва етти йил зиндонда қолиб кетади. Неча йиллар ўтган бўлса-да, ёш авлод бу дostonни ўқиганида Алпомишнинг пешонасига гўё маломатдек тамага бўлиб босилган бу хатони хар гал эсга олаверади.

МАСЪУЛИЯТ, ТАШАББУСКОРЛИК, ТАШКИЛОТЧИЛИК ТАЛАБ ЭТИЛАДИ...

— Халқ оғзаки ижодида ёшларни тўғри йўлга бошлайдиган бу каби мисолларни қўллаб ўра-тиш мумкин. Муҳими, ёшлар бу асарларни кўпроқ мутолаа қилиши, воқеалардан ибрат олишидир. «Барқамол авлод йили» Давлат дастурида ёшлар ўртасида соғлом турмуш тарзини қарор топтириш, уларни ичкилик-бозлик ва гийҳвандлик

иллатларидан, бошқа турли ҳалоқатли таҳдидлар ҳамда биз учун ёт диний ва экстремистик таъсирлардан, тубан «оммавий маданият» ҳуружларидан ҳимоя қилишга доир комплекс чоратadbирларни амалга ошириш вазифалари белгиланган бўлиб, айни пайтда жойларда бу борада ҳам қўпгина ишлар амалга оширилмоқда. ЎзХДП ташкилотлари ушбу вазифа мазмун-моҳиятидан келиб чиқиб қандай таadbирларни олиб бораёпти?

— Бугун дунёнинг турли бурчакларида сиз тилга олган ичкиликбозлик, гийҳвандлик уюшган жиноятчилик, ахлоқий бузуқлик каби иллатлар авж олмоқда, — дейди Ўзбекистон ХДП Юнусобод туман кенгаши раиси, халқ депутати Тошкент шахар Кенгаши депутати Нигора Эшметова. — Агар олдини олмасак, бу иллатлар бизнинг ҳаётимизга ҳам жуда катта таҳдид солиши шубҳасиз. Юнусобод туман партия кенгаши бу борада бир қатор таadbирларни амалга оширишни кўзда тутган. Коллежларни битираётган ёшларни иш билан таъминлаш ишларининг сама-

радорлигини янада ошириш талаб этилмоқда. Бунинг учун «Коллежларни тегишли давлат ва ишлаб чиқариш корхоналарига бириктириш» концепциясини Халқ депутатлари Тошкент шахар Кенгаши сессияси муҳокамасига киритиш ҳарақатидаммиз.

Туман ФХДё бўлими билан ҳамкорликда «Соғлом она — соғлом фарзанд» мавзусидаги суҳбатларни маҳаллалардаги ёшлар билан мунтазам ўтказиб бориш, ўз ҳаётий позициясига эга бўлган ёшларни «Истиқбол» ёшлар қаноти атрофига бириктириш ни режамиздан ўрин олган. Шу билан бирга, қанотнинг туман бўлими ташаббуси билан «Ёшлар ва дин», «Терроризм ва диний экстремизм», «Ёшлар алкоголизм ва наркоманияга қарши» мавзусида семинар-тренинглр ёшлар тарбиясига таъсир этиши, тушунчаси бой-ишига хизмат қилади.

ЎзХДПнинг хар бир фаоли партия-мизнинг дастурий гоёларини тарғиб ва ташвиқ қилиши, ёшлар орасида «Барқамол авлод йили» Давлат дастурининг мазмун-моҳиятини тушунириши лозим. Ёшларнинг маънавий ва ҳуқуқий фаолигини ошириш мақсадида партия фаоллари турли семинар, учрашув ва бошқа машғулотлар ўтказишда туман кенгаши қошидаги Ахборот-ресурс маркази, ҳуқуқшунос маслаҳатхонаси ва Жамоатчилик қабулхонасидан унумли фойдаланишлари зарур...

Ёш авлоднинг жисмоний ва маънавий тарбияси ҳамма даврларда ҳам муҳим масала ҳисобланган. Айтиш жоизки, бу масала ҳаминша давлатимиз раҳбари эътиборида. «Барқамол авлод йили» Давлат дастурининг бекаму-кўст ижро этилиши эса бу борада амалга оширилаётган ишларни янада такомиллаштиришга хизмат қилади.


Дилофруэ ЗАЙНИЕВА, «Ўзбекистон овози» муҳбири.

ГАЖК «ЎЗБЕКИСТОН ТЕМИР ЙЎЛЛАРИ»

объявляет тендер № 5, 2010 года на приобретение цельнокатаных колес РУ 957 ступица 175 для грузовых вагонов в количестве 5000 штук согласно графика поставки (3-4 квартал 2010 года).

За тендерной документацией обращаться по адресу:

г.Ташкент, ул. Т.Шевченко, 7, ГАЖК «Узбекистон темир йўллари» Управление «Темирйўленилгитаъмин», комната 410. тел: 237-94-72, 237-96-33. факс:140-00-23



Қурилишда танлов савдолари ва нархларни шакллантириш Сурхондарё вилояти ҳудудий консалтинг маркази «Ўзбекистон овози» газетасининг 2010 йил 1 июль, 77-сонда берилган эълондаги «Объектнинг қурилиш ишларини молиялаштириш — университетнинг ўз маблагга ҳисобидан амалга оширилади», деб ўқилишини МАЪЛУМ ҚИЛАДИ.

Ўзбекистон ХДП Марказий Кенгаши Ижроия қўмитаси ва Олий Махлис Қонунчилик палатасидаги фракциясини Олий Махлис Қонунчилик палатаси депутати Анвар Бойқўлова вакили муҳтарамаси ХИДОЯТ аянинг вафоти муносабати билан чўқур таъзия илхор этади.

Қадрият — ўзликни англаш

Яқинда менинг қўлимга марғилонлик бир гуруҳ зиёлиларнинг газетанда эълон қилинган мақоласи тушиб қолди. Улар шаҳарга туташ районга совет даврида берилган ном нечоғли тўғри эканлиги хусусида холис мушоҳада юритганлар. Мустабид тузум йилларида шаҳар ва қишлоқ кўчаларининг майдон ва гузарларининг номи ўша давр сиёсий арбобларининг алфавит тартибдаги харитасини эслатарди. Мустақиллик даврига келиб эса бундай қарашлар ўзгарди.

Жой номлари:

ўтмиш ва бугунни боғловчи кўприк

Бугун мамлакатимиз шаҳар ва қишлоқларини кезган ҳар бир одам ушбу гўшалар қиёфаси тобора кўркамлашиб бораётгани, халқ хотирасида муҳрланган номлар тикланиб, тарихий адолат қарор топаётганидан қувонади. Қадимий номларнинг тиклангани ўша ерда яшаётган одамлар руҳини кўтарди, ўсиб келаётган ёш авлод қалбида ватанпарварлик туйғуларини кучайтиради.


аҳоли пунктлари макomini олган. Араб ёзма манбаларида Писак тилга олинб, жумладан, араб тарихчиси Ёғут (X аср), унинг аҳолиси VIII асрда араб истилочиларига ниҳоятда қаттиқ қаршилиқ кўрсатганлигини айтади.

Тарихчи сифатида, мамлакатимизнинг тарихий топонимияси билан шуғуллана бошлаганимдан сўнг жой номларида катта маънавий мазмун муҳасамманганлигини англадим. Кўплаб жой номлари мустамакка даврида маҳаллий халққа мутлақо бегона номлар билан алмаштирилган.

Хўш, тарихий хотира халқимизнинг маънавий ҳаётида жуда муҳим ўрин тутди. Модомики инсонлар ўз она Ватанини, ерини, маконларининг тарихий номини ёдда тутиб, уни тиклашни истар эканлар, демак мустақиллик ўзининг бебаҳо мевасини бераётти.

Сардор РАҲИМХОН:

«ИШОНМАСМАН» ТАРОНАМ МЕНИНГ ОХИРГИ УМИДИ ЭДИ



Санъат сеҳри

Четдан қараганда санъат олами ниҳоятда рангин, мафтункор кўринади. Худди оҳанрабодек кишини ўзига тартади. Шунданми, кўпчилик ёшлар тезроқ танилиш, эътиборга тушиш учун санъат йўлини танлашади. Лекин «ҳолва деган билан оғиз чучимайди». Санъат даргоҳининг ҳам ўзига хос синов ва имтиҳонлари бор. Булардан муносиб ўтиш учун фақат истеъдоднинг ўзи камлик қилади. Бу ҳақда Ўзбекистонда хизмат кўрсатган артист Сардор Раҳимхон шундай дейди:

— 2009 йил мен учун жуда ҳам омадли кенди. Йил бошида Буюк ипак йўли фестивалида иштирок этдим, — дейди у. Бу концерт дастури менга ижодий қувват бағишлади. Ўзининг учинчи альбомини чиқардим. «Ўзбекистонда хизмат кўрсатган артист» унвонига сазовор бўлдим. Ноябрь ойида иккинчи якузон концерт дастурини намойиш этдим. Аммо бу даражага етувчи йиллар керак бўлди. Ҳар хил синовлардан ўтишга тўғри келди... — «Ўзбекистонда хизмат

кўрсатган артист» унвонини олганимизда кўнглимиздан қандай туйғулар ўтди? — Севинчдан кўзларимга ёш келган. Бу ҳақонни, бу хурсандчиликни тасвирлаб бўлмайди. Яқинларимдан биринчи бўлиб онам кулади: Отажоним ўзларини тугулмай фақат йиғлаганлар. Менимча, ҳар бир ота-онанинг энг катта бахти фарзанди орқасидан раҳмат эшитиш бўлса керак. Айтишди-ку, сўз билан ифодаланмайдиган шодлик, тил билан таърифлаб бўлмайдиган бахт деб, ҳақиқатан

ҳам шундай ҳолатда эдим. Шунингдек, ҳозирги кунгача қилган ишларим, баъзан кўрган қийинчиликларим, сал тезроқ эришган ютуқларим, менга ишонган, ишонмаган инсонлар ҳаммаси бирин-кетин кўз олдимдан ўтди.

ликда Ватан, истиқлол ҳақида қўшиқлар яратиш ниятим бор. Ҳар бир санъаткор ушбу мавзудаги қўшиқларни ижро этишдан олдин ўзи унинг моҳиятини ҳис қилсагина, уни тинглаётган мухлислари қалбидан жой олади. Ўзи билмаган, ўзи ҳис қилмаган мавзуда қўшиқ қўлашни нафақат мухлисларга, балки санъаткорнинг ўзига ва ўз ижодига ҳурматсизлик деб биламан. Шунинг учун муқаддас мавзулар бўлмиш Ватан, она, муҳаббат ҳақидаги қўшиқларни чин дилдан тушуниб, англагандан кейингина ижро этиш керак, деб ўйлайман.

— Авваламбор, айтиш кераки, ҳар бир инсон орзу билан яшайди. Ҳаттоки, ҳали ҳеч нарсага эришмаган тақдирингизда ҳам энг юксак қўққиларни кўзлайсиз. Албатта, менда ҳам орзу бўлган. Агар шу қўшиқ ҳам омадли чиқмаса, санъатдан воз кечиб, бошқа касб билан шуғулланаман, санъаткорлик пешонамда йўқ экан, деб ўйлаганман. Шунанга ўй-хаёллар билан маъкур қўшиқни мухлисларим ҳуқмига ҳавола этдим. Тақдиримга эса санъатда қолиш ёзилган экан!

— Яқинда продюссерлик маркази ташкил қилган бир йигит билан суҳбатладим. Қандай мақсад билан бу марказни очганини сўраганимда, у ёш санъаткорларга пул тикиб, шунинг орқасидан катта бойлик орттириш деб очигини айтди. Сизнинг ҳам продюссерлик марказингиз бор... — «Ўзбекистонда хизмат кўрсатган артист» унвонини менга катта маъсулият юклатди. Ушунда Президентимиз: ижодингиз менга маъқул келди. Худди шу йўналишда бошқа ёшларни ҳам ортингиздан эргаштириш керак, уларни ёнингизга олиб, замонавийлик ва миллийликни умумлаштирса бўлар экан-ку, мана шу жиҳатдан тенгдошларингизга ўрناк бўлинг, уларга ўргатинг деди. Шундан кейин биринчи қилган ишим продюссерлик маркази очилиш бўлди. Худо хоҳласа, эл-юртга манзур бўладиган қўшиқларни ижро этадиган ҳақиқий истеъдодларни тайёрлайдиган бир кичкина мактаб очил ниятим бор. Мен бу билан устозликни даъво қилмаяман. Бу ўринда менга қўмақлашаётган, ҳар доим менинг ёнимда туриб елкаш бўлаётган инсонлар бор. Улардан маслаҳат олиб, санъат йўлини танлаган, иқтидорли ёшларни қўллаб-қувватлашни ният қилганман.

— Кўпчилик санъаткорлар ҳақида салбий фикрлар, турли гап-сўзлар юради. Сиз булардан қандай қилиб ўзингизни йирок тула оласиз? — Мен аввало ҳар хил гийбатларга қўшилмасликка ҳаракат қиламан. Агар бир марта унинг ичига кириб қолсангиз, кейин чиқиб кетиши қийин бўлади. Қолаверса, ҳар бир санъаткор юриш-туриши, хулқ-атворида ўзини тут билса, чегарадан чиқиб кетмаса ортинча гапларга ўрин қолмайди. Одамлар ҳам бекорга гапирмайди, қайсидир бирининг ортида қандайдир ҳақиқат бўлади. Айтишди-ку, «шамол бўлмаса, даракнинг учи қимирламайди». Тўғри, атайин сизнинг номингизни ёмонотлик қилиш учун уюштирилган бўҳтонлар ҳам бўлади. Вақти келиб, бу гапларнинг ёлғон эканлиги, албатта, очилади.

— «Ўзбекистон овози» мухбири Темура АбЗам суҳбатлашди.

— 2009 йилнинг ноябрида ўтган концертимда «Отананг ҳаёт бўлса» номли қўшиқни ижро этдим. Энди-

Жанубий Африка Республикасида давом этаётган жаҳон чемпионатининг биринчи финалчиси аниқланди.

Жаҳон кубоги Европа вакилига насиб этадиган бўлди

Мухлислар ярим финалнинг дастлабки жуфтлигида Голландия — Уругвай терма жамоалари баҳсининг гувоҳи бўлишди. Ниҳоятда шиддатли ва мурасасиз кечган учрашувда европаликлар катта қийинчилик билан зафар қўчишди — 3:2. Мазкур ўйинни ФИФА рефериси, ҳамюртимиз Равшан Эрматов бошқариб борди. Эътиборлиси, бу иқтидорли ҳакамимиз учун ЖАРда ўтаётган жаҳон чемпионатидаги олтинчи учрашувдир. Равшан бешта ўйинда жамоаларни бош ҳакам сифатида майдонга бошлаб тушган бўлса, бир учрашувда захирадаги ҳакам вазифасини бажарди.

Эркин ХОЛБОБО

ФУТБОЛ МУХЛИСИ МАДАНИЯТИ

«Нефтчи» — «Бунёдкор» учрашувини кўрган кўпчилик шу ҳақда фикр юритган бўлса керак

Мулоҳаза ■ Юртимиздаги футбол жамоалари қошида мухлисларнинг фан-клублари ташкил этилган. Улар футбол мухлиси маданиятини юксалтиришга, мамлакатимизда «миллионлар йўлини» янада ривожлантиришга ҳисса қўшиб келишяпти. Фан-клублари шарқона ахлоқ-одоб доирасида ишқибозлини тарғиб этиш баробарида мухлисларнинг ёқтирган жамоаларига ўзга шаҳарларда, ҳатто хориждаги ўйинларига бориб ишқибозлик қилишини уюштиришяпти. Шу боис бирор жамоаларимизнинг хориждаги ўйинида фан-клуб аъзоларининг, «Ўз-бе-кис-тон!» дея ҳайқирганини эшитганимизда кўзимизга фахр-ифтихор тўлади.

Бирок Фарғонада Ўзбекистон кубогининг ярим финалида «Нефтчи» — «Бунёдкор» жамоалари ўйнаётган пайтда мухлисларнинг ахлоқсиз сўзларни жўр бўлиб бақаришгани кўнглимизни хира қилди. Мухлислар назарида, иккинчи бўлим ўрталарида «Нефтчи» ўйинчисига қўполлик ишлатилди ва буни ҳакам пайкамади. Шунинг учун мухлислар жунбушга келиб, бир неча дақиқа давомида «Судья... судья...» дея бақаришди. Ахир, ўйингоҳга минглаб болалар ҳам келишганди. Бу ўйин ёзиб олинб бир кундан кейин «Спорт» телеканалда намойиш этилди. Энди фарғоналик мухлислар «маданият»ни мамлакатимиздаги миллионлаб телеомошабин-

лар, шу жумладан, болалар, аёллар эшитди. Қачонгача мухлислар шундай ҳақоратли сўзларни айтиб майдонда бақаришди? Бундан 30-40 йил илгари шу мухлисларнинг ота-акалари ўйингоҳларда судьяларга шундай норозилик билдиришарди. Наҳотки, бизга собиқ тузумдан шу сўзлар ҳам мерос қолди? Биз шарқликмиз, андишали халқмиз. Ўз қадриятларимиз бор. Ҳар қандай вазиятда уятли сўзларни айтишдан ўзимизни тия оламиз. Мабодо, шундай ҳол юз берса, катталар «ука ёки болам бундай дейиш уят бўлади» дея тартибга қақриб қўйишди. Ишончим комил, ўйингоҳда одобсизлик қилган фарзандларини



ота-оналари уйга қайтишлари билан қойишган. «Нефтчи» фан-клуби, ўйингоҳда бундай кўнглисиз ҳол бошқа тақдорланмаслиги учун чоралар билан белгилашди. Барибир шуни ёдда тутишимиз лозим, ҳакам учрашувда хатоликка йўл қўйса, унга қарши мухлислар эмас, Ўзбекистон футбол федерациясида чора кўрилади. Маълумки, федерациямиз хатога йўл қўйган айрим ҳакамларни бир неча ойга, бошқаларини бир умрга ҳакамликдан маҳрум қилди. Яна шуни ёдда тутишимиз лозим, Ўзбекистон фут-

бол федерацияси мухлислар ўйингоҳда тартибсизлик қилишса, жамоага нисбатан ҳам чора кўриши мумкин. Бундай ҳолатда на мухлислар, на футбол юртимиз. Биз барчамиз юртимиз футболини юксалтиришга бел болаганмиз. Бунда футбол мухлиси маданияти ҳам муҳим ўрин тутди. Бежиз мухлисларни клубнинг 12-ўйинчиси деб аташмайди. Демак, клубнинг 12-ўйинчиси ҳам футбол қонун-қоидаларига, мухлислик маданиятига риоя қилиши шарт.

Асрор МҮМИН

Хўрматли юртдошлар! ДАВЛАТ-ТИЖОРАТ ХАЛҚ БАНКИ Сизга манфаатли шартларга асосланган «АНТИҚА» жамғарилувчи омонатини таклиф этади «Антиқа» муддатли омонатига маблағлар миллий валютада 2 ойдан 12 ойгача бўлган муддатларга қабул қилинади. Маблағларнинг омонатда сақланиши муддатларидан келиб чиқиб, 2 ойга йиллик 24 фоиз, 4 ойга йиллик 25 фоиз, 6 ойга йиллик 26 фоиз, 8 ойга йиллик 27 фоиз, 10 ойга йиллик 28 фоиз ва 12 ойга йиллик 29 фоиз миқдорда фоиз даромадлари тўланади. Омонатга маблағлар Халқ банкининг барча муассасаларида қабул қилинади. ЯРАТИЛГАН ИМКОНияТлардан УНУМЛИ ФойдаланиНг! ХАЛҚ БАНКИ — СИЗНИНГ ОИЛАНГИЗ БАНКИ! Қўшимча маълумотларни 150-12-91 телефони орқали олишингиз мумкин.

Table with subscription information for 'O'zbekiston ovozi'. Includes names of staff (Safar OSTONOV, Tahrir Hay'ati), contact details, and pricing for various regions (Andijonda, Buxoroda, Gulistonda, Jizzaxda, Navoiyda, Namanganda, Nukusda, Samarqandda, Urganchda, Farg'onada, Denovda) and a MANZILIMIZ section with addresses in Tashkent and Bukhara.